

4. ԵԶՅԱՆԻ ՊԱՏՄԱԳԻՏԱԿԱՆ ԺԱՌԱՆԳՈՒԹՅԱՆ
ԳՆԱՀԱՏՄԱՆ ՀԱՐՑԻ ՇՈՒՐՁ

2. Ժ. ՀՈՎՀԱՆՆԻՍՅԱՆ

Կարապետ Սղյանը XIX դարի հայագիտության մեր նշանավոր հրախառավորներից էր: Մնվել է 1835 թ. սեպտեմբերի 5-ին, Մոսկվայում: Միջնակարգ կրթությունը ստացել է Մոսկվայի Լազարյան ճեմարանում, որն ավարտել է ոսկե մեդալով: Այնուհետև ուսանել է Պետերբուրգի համալսարանի արևելյան լեզուների բաժնում: Համալսարանն ավարտելուց հետո նրան առաջարկում են ստանձնել հայոց լեզվի ամբիոնի վարիչի պաշտոնը: Հիշյալ համալսարանում որոշ ժամանակ պաշտոնավարելուց հետո Սղյանը, սակայն, թողնում է համալսարանը և աշխատանքի անցնում Ռուսաստանի ներքին գործոց նախարարությունում, իսկ այնուհետև տեղափոխվում է լուսավորության նախարարություն: Իր կար ժամանակ Սղյանը վարում է լուսավորության նախարարության դեպարտամենտներից մեկի փոխտնօրենի պաշտոնը, նշանակվում նախարարության խորհրդի անդամ: Իբրև արևելագետ նա անհայտ չէր Եվրոպայում: Արևելագետների բազմաթիվ կարևոր միջազգային համաժողովներում Սղյանը Ռուսաստանի մշտական ներկայացուցիչն էր և հանդես էր գալիս գիտական զեկուցումներով: Միաժամանակ նա ռուսական ու ևլորպական արևելագիտական մի շարք ընկերությունների անդամ էր:

Մեր պատմագիտության մեջ Կ. Սղյանը քիչ ուսումնասիրված հեղինակներից է: Պետք է նկատել, որ Սղյանի «մոռացման» գործում քիչ դեր չեն խաղացել նաև որոշ պատմաբանների կողմից նրան տրված սխալ գնահատականները: Ուստի նրա և ընդհանրապես ազդարին-պահպանողական ուղղության մի շարք այլ ներկայացուցիչների աշխատություններն այսօր արդեն արժանի են հատուկ ուսումնասիրության և վերագնահատման:

Կ. Սղյանի առաջին յուրջ ուսումնասիրությունը «Հին Հայաստանի ներքին կյանքը» աշխատությունն էր, որի համար նա արժանացավ արևելյան բանասիրության մագիստրոսի աստիճանի: Դիրքը տպագրվել է Պետերբուրգում՝ 1859 թ. և թեպետ այն ներկայացված էր բանասիրության զծով մագիստրոսի աստիճանի, աշխատությունն ամբողջությամբ պատմագիտական ուսումնասիրություն է: Հեղինակը քննարկում է հին Հայաստանի պատմությանը վերաբերող կարևոր շատ հարցեր, ընդ որում նախապատվությունը տալիս է Մովսես Խորենացու հաղորդած տեղեկություններին: Միաժամանակ նկատելի է հեղինակի ինքուբույնությունը օտար աղբյուրների գնահատման հարցում: Մի կողմից նա ընդունում է հունա-հռոմեական պատմիչների հայտնած տեղեկությունների կարևորությունը, իսկ մյուս կողմից ընդգծում է հայոց պատմությունն իրենց քաղաքական շահերին հարմարեցնելու նրանց միտումը: Հարկավ ճշմարիտ է Սղյանը, երբ ներածականում գրում է, թե «հունները սովորություն ունեին հունական ծագում վերագրել հին աշխարհի համարյա բոլոր ժողովուրդների նահապետներին»¹:

Աշխատությունում Սղյանը քննարկում է այն կարևոր հարցը, թե ինչու Հայաստանն իր զարգացմամբ չհասավ Հունաստանին և բերում է ուշագրավ մի քանի փաստարկներ: Դրանցից առաջինը նա համարում է Հայաստանի

¹ Տե՛ս Դ. Յոզով. Внутренний быт древней Армении. СПб., 1859, с. 2.

աշխարհագրական դիրքը, գորտեղ մշտապես տեղի են ունեցել Արևմուտքի և Արևելքի բախումներ, ուստի ազգային ամեն տեսակ զարգացում ենթարկվում էր երկու հակադարձ ուժերի ազդեցությանը, որոնք եթե չէին ճնշում նրան, ապա ծայրահեղ դեպքում կասեցնում էին նրա զարգացումը²: Հաջորդ պատճառը Եղյանը տեսնում է «նախարարների անմիաբանության մեջ, որոնք թշնամաբար էին տրամադրված մեկը մյուսի նկատմամբ»³: Ուշագրավ է նաև մյուս պատճառը, որը նախորդի տրամաբանական շարունակությունն է. Եղյանն այն բացատրում է Հայաստանի քաղաքական ներքին կառուցվածքով. «Միապետական կարգը,— գրում է նա,— Հայաստանում այդպես էլ չստացավ իր լրիվ զարգացումը. Մագաղորական իշխանությունը սահմանափակված էր կաթողիկոսի և նախարարական իշխանությամբ»⁴: Հեղինակն, անշուշտ, իրավացի է իր այս խորհրդածություններում: Պետք է ընդունել այն ճշմարտությունը, որ Հայաստանում թագավոր-նախարարներ դաշինքն այդպես էլ չստեղծվեց ու չամրացավ. «նախարարները խանգարել են ուժեղ թագավորական իշխանությանը, և երբ թշնամիները բոլոր կողմերից սլանում էին Հայաստան, թվական գերակշռությունը մշտապես նրանց կողմն է եղել... նախարարների մեղքով հայերը երբեք չեն ճակատամարտել մեծ զանգվածներով»⁵: Եղյանը, ցավոք, չի զարգացնում իր միտքը և երևույթը չի մեկնաբանում, սակայն միաժամանակ ընդգծում է նախարարական տների խաղացած դրական դերը հայոց պետականության կայացման խնդրում. «Քաղաքական այս կառուցվածքը,— գրում է նա,— պայմանավորում և բացահայտում է Հայաստանի քաղաքական կյանքի գլխավոր երևույթները»⁶:

Եղյանը ընդգծում է եկեղեցու խաղացած կարևոր գերը հայոց պատմության և ընդհանրապես, հայ ժողովրդի կյանքում: «Քրիստոնեական եկեղեցին,— գրում է նա,— մեծ նշանակություն է ունեցել հայերի կյանքում: Եթե հայերը մինչև օրս գոյություն ունեն որպես առանձին ժողովուրդ, ապա զրանում նրանք մեծապես պարտական են իրենց եկեղեցուն: Եկեղեցին հայերին փրկեց իր հզոր հարևան պետությունների նյութական և բարոյական հարստահարումից, դրանով իսկ կանխելով ձուլումը նրանցից որևէ մեկի հետ և սկիզբ դրեց ազգային առաջընթացին»⁷:

Գրքում այնուհետև առանձին ենթավերնագրերով ներկայացված են թագավորական իշխանությունը, իշխանության ժառանգականությունը, պետական դրոշը, լեզուն, թագավորական տիտղոսները, թագավորական հանդիսությունները, արքունիքը, գործակալությունները, բանակը: Առանձին բաժիններով քննարկվում են հարևան տերությունների՝ Պարսկաստանի, Բյուզանդիայի, Աղվանքի և մյուս երկրների հետ Հայաստանի ունեցած հարաբերությունները: Հեղինակը անդրադարձ է կատարում նաև եկեղեցու և թագավորի հարաբերություններին, տնտեսությանը, առևարին, դրամահատությանը, այսինքն՝ այն բոլոր հարցերին, որոնք ամբողջական ձևով ներկայացնում են հրն Հայաստանի ներքին կյանքը: Այս աշխատությունը, անշուշտ, ժամանակին կարևոր ներդրում էր հայագիտության մեջ:

Եղյանն իր դարաշրջանի հզոր անհատականություններից էր, շկար ժամանակի առավել կամ պակաս հուզող հարց, որը նրա կողմից հատուկ ուսումնասիրության շարժանանար: 1884 թ. Պետերբուրգում լույս տեսավ Կ. Եղյանի «Բոնի միութիւն հայոց Լեհաստանի ընդ եկեղեցիոյն Հոովմայ» աշխատությունը: Գրքի ներածականում վկայակոչելով պատմիչ Առաքել Դավրիժեցու պատմության համապատասխան դրվագներն «... եվրոպացի բարո-

2 Նույն տեղում, էջ 26:

3 Նույն տեղում, էջ 132:

4 Նույն տեղում, էջ 27:

5 Նույն տեղում, էջ 95:

6 Նույն տեղում, էջ 96:

7 Նույն տեղում, էջ 37:

գիշերների թարգմանությունները, Եզյանը նշում էր, որ իայ ժողովուրդն իր պատմական ժամանակներից սկսած, սշտապես ավիրված է եղել միասնական պետության գաղափարին: «Որ ոք ուշի ուշով չհտազօտեսցէ զյիշատակարտնս պատմութեանց ազգիս մերոյ, նշամարկ ապաքէն զայս ինչ երևոյթ նշանավոր, մասամբ իրիք ռացահայտիչ պատմական անցից աշխարհին, զի բնյ յոյով երկարութիւն ժամանակի պատմութեան նորա շերևի ուրեք ձեզատունն ի հայս կազմելոյ տեսութիւն սիւտորեալ և անկախ...»⁸:

Մտահոգված լեհահայերի ազգապահպանության խնդրով, գրքում նա պատմական Լեհություններ է կատարում, ցույց տալով, թե ինչպիսի անդառնալի հետևանքների հանդեպին ժամանակին հայոց իրազարկի ու նախարարները միջև ծագած հակասությունները, որի արդյունքում Քի վերջ կոյս 'Ի-ի պտունն իսմանեցավ աշխարհն հայոց ի մէջ երկոցունց պետութեանցս այսոցիկ, ունելով ի բաժնին Պարսից իր թագաւորս»⁹:

Սվ աչոյցս, պատմական բազում իրավիճակներ վկայակոչելով, Եզյանը գտնի է իր ուսումնասիրության հիմնական գաղափարի... Եզրսակը դատապարտում է լեհահայերի և նրանց առաջնորդ սիկոլ կարևորագույն կողմից դատապարտության իրողությունը, որի հետևանքով շատ հայեր ձուլվեցին և Կորցրեցին իրենց սոցալին նկարագիրը:

1891 թ. Պետերբուրգում լույս տեսավ Ֆրանսիացի Հովհաննես Դարգելի ժամանակագրությունը Կ. Եզյանի ընդարձակ առաջարկով: Այն ամբողջովին նվիրված է Կիլիկյան Հայաստանի պատմությանը: Վկայակոչելով սեկստանյալի հաստոյ հայ պատմիչների և օտարագլխի հեղինակների հաղորդած տեղեկությունները, Եզյանը հասկանալիորեն և մանրամասն անդրադառնում է Կիլիկյան Հայաստանի պատմության գլխավոր անցքերին, քննական վերլուծության ենթարկում դրանք:

Սերկայացնելով Կիլիկիայում բնակվող ժողովուրդներին, նա նշում է, որ շատերը՝ հատկապես ասորիները, շուտով կորցրեցին իրենց լեզուն և ազգային սկզբնաղբը: «Հայերը, — ընդգծում է Եզյանը, — անասելի եռանդով Կորցրեցան պահպանել հույների և արաբների ազդեցությունից ոչ միայն իրենց կրոնը, այլև իրենց լեզուն և ազգային բարքն ու սովորությունները: Ետս բան բնորոշելով արաբական հարուստ մշակույթից, միևնույն ժամանակ նոքա շարժանց հակամետ էին եվրոպական քաղաքակրթությանը, որը սկսել էր մուտք գործել խաչակիրների հետ միասին... Լեռներու մէջ ամրացած, նոքա պահպանում են իրենց նախնայաց դավանությունը և սովորությունները... Հայերը պահպանեցին իրենց անկախությունը՝ պաշտպանելով միևնույն ժամանակ ամբողջ քրիստոնեության շահերը արեւելքում: Եւս այն ժամանակ, երբ Ֆրանկների հիմնած իշխանություններին հետքն անգամ չէր մնացել այդ երկրում»¹⁰:

Առաջաբանի վերջում Եզյանը երկու խոսքով ներկայացնում է Հովհաննես Դարգելին, որը Կիլիկիո վերջին թագավոր Լեոն VI քարտուղարն էր և նրա խնդրանքով գրեց Կիլիկիայի պատմությունը:

1886 թ. Կ. Պոլսի խորհն արքեպիսկոպոս Նար-Պեյը հանձն առավ Դարգելի ժամանակագրության հայերեն թարգմանությունը, թեև այստեղ էլ հարկ եղավ հաղթահարել մեծ դժվարություններ. «Ամբողջ տարի հարկավոր եղավ գործ գնել ազատելու համար այդ թերթերը տաճկական գրաքննության ձեռքից, որը դատապարտել էր նորան այրելու: Տաճկական գրաքննիչները գտել էին, որ Դարգելի ժամանակագրությունը մեծ վտանգ է սպառնում օսմանյան մեծահզոր պետությանը...»¹¹:

⁸ Տե՛ս Կ. Եզյան. Բոնի միութիւն հայոց կենսատանի ընդ եկեղեցիոյն Հռովմայ. Ս. Պետերբուրգ, 1884, էջ է:

⁹ Նույն տեղում, էջ Ը:

¹⁰ Տե՛ս Հովհաննես Դարգելի ժամանակագրութիւն հայոց Ս. Պետերբուրգ, 1891, էջ ԺԲ:

¹¹ Նույն տեղում, էջ ԶԲ:

Հետաքրքիր այս առաջաբանին նախորդել էր մեր նշանավոր պատմիչ Ղևոնդի պատմության մասին գրած մեկ այլ ընդարձակ առաջաբան, որը լույս տեսավ Ս. Պետերբուրգում 1887 թ.¹²: Եղևանը, ընդգծելով Ղևոնդի պատմության ուսումնասիրության նշանակությունն ու սելխարհագրական լայն ընդգրկումը, բարձր է գնահատում նաև նրա նշանակությունը արաբական տիրապետության ժամանակների պատմության լուսաբանման խնդրում, ամենից առաջ ընդգծելով նրա հավաստիությունը: Ընդ որում, քննարկելով Ղևոնդի պատմության գրվածքները, Եղևանը չի բավականանում այդ պատմության պարզ վերարտադրումով, այլ պատմիչի տեղեկությունները համեմատում է մեր մյուս պատմիչների հաղորդած տեղեկությունների հետ: Եղևանը հանգամանորեն քննարկում և վերլուծում է նաև արաբական տիրապետության շրջանի Հայաստանի ներքին կյանքը:

4. Եղևանի ուշագրավ հրատարակություններից էր նաև «Ս. էջմիածնի Մայր աթոռի և ռուսաց կառավարության հարաբերությունների ծագումը» աշխատությունը, որտեղ հեղինակը պատմական ակնարկի տեսքով ցույց է տալիս Հայոց Մայր աթոռի և Ռուսաստանի կառավարության հարաբերությունները Եկատերինա II կայսրուհու ժամանակներից սկսած:

Գրքույլի հրատարակման ղյխավոր նպատակը Եղևանը տեսնում էր հայ-ռուսական հարաբերությունների պատմության կարևորագույն զեղքերը վերհանելու և այդ կապերը խորացնելու ու զարգացնելու մեջ, որը, մեր կարծիքով, զուրկ չէ նաև արդիական հնչեղությունից. «Յուր հայրենիքին լավություն կամեցող յուրաքանչյուր քաղաքացու... սուրբ պարտքն է վառ պահել այդ զգացումները և նպաստել դրանց զարգացմանը, բարի ծառայություն անող չեն նրանք, որոնք թույլացնում են այդ բարոյական շողկապներն ու փողադարձ անվստահություն, պրոզում այնտեղ, ուր դրա համար բնավ պատմական հիմք չկա: Անցյալի ծանոթությունը վերացնում է մեջտեղից թյուրիմացության առիթներն ու փոխադարձ համակրանքի և հարգանքի բարի զգացումներ առաջ բերում»¹³:

XIX դարի վերջին սկսվում է Եղևանի հայագիտական գործունեության առավել հասուն և արդասավոր շրջանը: Այդ ընթացքում լուրջ անդաշարձեր էին կատարվել հայագիտության բնագավառում, ի հայտ էին եկել տասնամյակական նոր ուսումնասիրություններ: Եղևանը ձեռնամուխ է լինում տասնամյակների մտորումներին ու մտահոգացումները ընդհանրացնելու խնդրի իրականացմանը: Հենվելով տղբյուրագիտական հարուստ նյութի վրա, նա ստեղծում է մի նոր ու արժեքավոր աշխատություն: 1898 թ. Պետերբուրգում լույս տեսավ 4. Եղևանի «Պետրոս Մեծի հարաբերությունները հայ ժողովրդի հետ» ծանրակշիռ ուսումնասիրությունը: Մինչև այդ աշխատությունը բրնարակվել էր Ռուսաստանի գիտությունների ակադեմիայի պատմա-արանասիրական բաժանմունքում և նրաշխավորվել հրատարակության: Աշխատությունը հիմնականում իրենից ներկայացնում է փաստաթղթերի ժողովածու, որոնք հեղինակը քաղել է տարբեր գիվանատներից՝ Մոսկվայի գլխավոր և Պետերբուրգի Արտաքին գործերի նախարարության, Ավստրիայի արքունական և պետական, Բավարիայի թագավորական պետական արխիվներից: Գրքի համար Եղևանը բնաբան է բնորել Պետրոս Մեծի հայտնի խոսքերը. «...Քանզի մենք հայ ժողովրդին կայսերական մեր հատուկ ողորմածությանն ու հովանավորությանն ընդունեցինք»¹⁴:

Աշխատության առաջին մասը Եղևանի ընդարձակ ներածական ուսումնասիրությունն է՝ «Ակնարկ Ռուսաստանի կառավարության և հայ ժողո-

12 Տե՛ս Պատմութիւն Ղևոնդեայ մեծի վարդապետի հայոց. Ս. Պետերբուրգ, 1887:

13 Տե՛ս 4. Եղևան. Ս. էջմիածնի Մայր աթոռի և ռուսաց կառավարության հարաբերությունների ծագումը. Թիֆլիս, 1901, էջ 42:

14 Տե՛ս Գ. Эзов. Споменения Петра Великого с армянеким народом, СПб., 1898 (այսուհետև՝ էջը տողամիջում):

վրդի հարաբերությունների սասին» խորագրով: Հրատարակությանն անօտնոթ լինելը շուրջ կարող է թվալ, բնականաբար կցված են սեր ներկա հասկացությունը սովորական ներածական և ծանոթագրություն: Լրականում, հեղինակի սերածությունը զբաղեցնում է դրքի կարևոր մասը և ծավալուն ուսումնասիրության բնույթ ունի:

Միաժամանակ Եզյանը դանում է, որ նպատակահարմար չէ Պետրոս 1-ի ողջ գործունեությունը անդրադառնալը, ուստի իր խնդիրն է համարել ուսումնասիրել նրա արևելյան քաղաքականությանը վերաբերող փաստաթղթերը: Նա գտնում էր, որ դեպի Արևելք կատարած իր արշավանքներում «Պետրոսը հետապնդում էր ոչ սիսիական քաղաքական և առևտրաարդյունաբերական, այլ նաև բարոյամշակութային նպատակներ՝ ազատագրել քրիստոնյա ժողովուրդներին, որոնք գտնվում են ստրկության և հարստահարման մեջ» (էջ 11): Եզյանն աստիճանաբար գտնում էր բարոյամշակութային կապերի շահեկան արևմտափոխությունները, ինչը կհանգեցներ այդ ժողովուրդների սիսիականացմանը: Մեր պատմագրության մեջ տարածված տեսակետ է, թե դեպի Կովկաս ձեռնարկված արշավանքներն ու պատերազմները միայն կապվել են ողորմական ցարիզմի քաղաքական և առևտրական նկատմանների հետ, իսկ ազատագրական կողմը համարել են արշավանքների իրական շահերի և ձգտումների քողարկում: Սլնկով այսօրվա շափառիչները, պետք է նկատել, սակայն, որ այդ ջանքերն ուսնցել են որոշակի նպատակադրվածություն: Ուստի ընդունելով առաջինը, չի կարելի լիովին բացառել նրանք: Անշուշտ, ողորմական կայսրության սահմանների սահմանափակում էր անդրկովկասի ժողովուրդների ազատագրական ձգտումներին, որոնք ջանում էին թոթափել թուրք-պարսկական ծանր լուծը:

«Պատմագիտական առումով առավել մեծ արժեք է ներկայացնում Եզյանի՝ կասպիական արշավանքի պատմությանը նվիրված բաժինը: Նկարագրելով կասպիական արշավանքի նախապատրաստությունը, նրա ընթացքն ու հետագա իրադարձությունները, նա ընդգծում է ողորմական արքունիքի հետևյալ նկատառումները. «1. Կասպից ծովն իր վրա էր սեփում Պետրոսի հատուկ ուշադրությունը. հաղորդակցություն հաստատել կասպից ծովի և Հրեղեկաստանի միջև, Լուսաստանի միջոցով ճանապարհ բացել եվրոպական առևտրի համար դեպի Հնդկաստան» (էջ LXXI):

«2. Պետրոս Մեծը, նպատակ ունենալով Լուսաստանին ամրացնել Մերձկասպյան մարզերը, լավ հասկանում էր, որ այդ երկրների մուսուլմանական բնակչությունը չի համագործակցի իրենց հետ» (էջ LXXII), ուստի ողորմական կայսրը փոթադարձություն և համառոտագրում ձգտում էր թուլացնել մահմեդական տարրը և փոխարինել այն քրիստոնեականով: Այդ խնդրում լավագույն միջոցը նա համարում էր «այդ մարզերում քրիստոնեական բնակչության ուժեղացումը և ուղղակիորեն մատնացուցց էր անում հայերին» (ն. տ.): Արդյո՞ք այստեղ Եզյանը մեզ չի՞ մղում հանգելու մի կարևոր մտքի՝ Պետրոս Մեծի համար առաջին պլանում եղել է ոչ թե Հայաստանի ազատագրումը, այլ «կասպիական մարզերը հայերով բնակեցնելը» (ն. տ.):

Եզյանի բերած փաստերը մեզ համոզում են և որոշ առումով նույնիսկ բացատրում կասպիական արշավանքի դադարեցման հանգամանքները: Կարծում ենք, որ Կ. Եզյանի մտքերն այս կապակցությամբ բավականին ուշադրավ են: Ընդհատ է, նա այդ մասին ուղղակի չի գրում, բայց անուղղակի հիմնավորումը տալիս է: Այսպես, խոսելով կասպիական մարզերում հայերի ծավալած առևտրական շահավետ գործունեության մասին, նա ավելացնում է. «Առևտրական այդ շրջապատույթից ստանալով զգալի շահ ողորմական կառավարությունն առավել շահագրգռված էր, որպեսզի պարսկական ողջ մետաքսը հոսի դեպի Լուսաստան, քանի որ հումքի առևտուրը կենտրոնացված էր հայերի ձեռքում» (ն. տ.): Եզյանը նույնիսկ հիշատակում է հայ ձեռներեց Մուսկով Իսախանյանին, որը մետաքսի ողջ գործառույթությունը կենտրոնացրել էր իր ձեռքում և աստեղծել էր մի ընկերություն հիմնված ակցիաների

վրա և որը, կարծես, առաջինն էր Ռուսաստանում» (ն. տ.): Հաջորդ կարևոր պահը. «Կետրոս Մեծը, ձգտելով Ռուսաստանին ամրացնել Սերձկասայան սարգսրը, քաջ գիտակցում էր, որ այդ երկրների մուսուլմանական բնակչությունը չի կարող «համաձայնվել քրիստոնեական գերիշխանության հետ» (ն. տ.): (Սզյանի բնութագրումն է—Շ. Շ.), ուստի հայերին մատնացույց անելը միանգամայն կշռադատված էր և արդարամիտ: Սզյանն ընդգծում է նաև 1724 թ. մայիսին գեներալ Մատյուշկինին ուղղված պետության պատգամը. «Ամեն զնով աշխատել հայերին կոչ անել, եթե կան Կիլանում և Սաղանդարանում, և բնակեցնել...» (ն. տ.): Կարծում ենք, որ Սզյանի այս եզրահանգումները նույնիսկ բավական են ենթադրելու, որ «Կետրոս Մեծը, այսուհանդերձ, կասպիական արշավանքի զխաղըր նպատակը, եթե ոչ ամբողջությամբ, ապա կիսով չափ կատարել էր:

Թեպետ Սզյանի աշխատությունը վերնագրված է «Պետրոս Մեծի հարսբերությունները հայ ժողովրդի հետ», սակայն հեղինակն այդ ժամանակաշրջանը շարունակում է և հայ-ռուսական հարաբերությունների պատմությունը հասցնում մինչև XIX դարի վերջը:

Կրթի ներածականում հեղինակը անդրադառնում է նաև XIX դարի առաջին երեսնամյակում տեղի ունեցած կովկասյան պատերազմներին: Արևելյան Հայաստանը Ռուսաստանին միացման խնդրին, «Կիտակցելով, որ սկսված պարսկական պատերազմում (1826—1828 թթ.) վճռվելու էր հայերի բախտը,—գրում է Սզյանը,—որ այդ պատերազմի էլքից է կախված նրանց փախփայած երազանքի իրականացումը՝ մուսուլմանական լծից ազատագրումը, հայերը նրանում ունեցան գործուն մասնակցություն և շխնայելով իրենց ունեցվածքը, ոչ էլ կյանքը, բոլոր ուժերով համագործակցեցին ռուսական զինքի հաղթանակին» (էջ CXXI): Սզյանը բերում է նաև գեներալ Սրմոլովի 1826 թ. սեպտեմբերի 17-ի զեկուցագիրը՝ կարարազում ռազմական գործողություններին հայերի ակտիվ մասնակցության մասին: Իր ակնարկի քսանմեկերորդ բաժնում ևս նա ընդգծում է 1828—29 թթ. ռուս-թուրքական պատերազմին հայերի գործուն մասնակցությունը: «Մինչ այդ սկիզբ առավ պատերազմը թուրքիայի հետ: Մեր բանակների շարժման ժամանակ հայերն ամենուր ցնծությամբ էին դիմավորում ռուսական բանակներին և շէին խնայում իրենց կայքը և իրենց կյանքը» (ն. տ.):

Հեղինակն, անշուշտ, իր ակնարկում զգալի տեղ է հատկացնում ներսևս լեշտարակեցու գործունեությանը, որին համարում էր «XIX դարի սկզբին լեշտրկովկասի առավել նշանավոր և բացառիկ գեմբերից մեկը... հայերի կազմակերպիչ և ղեկավար» (էջ CXXII): Սզյանի մոտ ամենից հաջող և հանգամանալից է ներկայացված լեշտարակեցու գործունեությունը կովկասյան պատերազմներում: Պարզենք մեր ասելիքը: Հայագիտության մեջ, առանձնապես խորհրդահայ պատմաբանների աշխատանքներում, ներսևս լեշտարակեցին հիշատակվում է գերազանցապես ռուս-պարսկական երկրորդ պատերազմի և կամավորական ջոկատների կազմակերպման առումով: Նրա գործունեության կարևոր շատ այլ մանրամասներ փաստորեն գուրս ևն մնացել մեր պատմաբանների ուշադրությունից: Մինչդեռ Սզյանն իր աշխատանքում հետաքրքիր և կարևոր փաստեր է հազորդում ներսևս լեշտարակեցու հայանպաստ այլ գործերի, մասնավորապես 1804—1813 թթ. ռուս-պարսկական պատերազմին նրա ակտիվ մասնակցության մասին: Բերենք մի քանի քաղվածք. «Ելիզավետպոլի տակ նա (ներսևս լեշտարակեցին—Հ. Հ.) գտնվում էր իշխան Յիցիանովի զորքի մեջ,—դրում է Սզյանը,—և հայ բնակչության վրա ունեցած ազդեցությամբ նպաստեց ռուսական բանակի հաղթանակին... ..Նրանի տակ ռուսական բանակը ղտնվում էր ծայր աստիճան դժվարին կացության մեջ՝ հացի, ռազմամթերքի և այլ պահանջների անբավարարության պատճառով: Ներսևսը էջմիածնից Երևան հասցրեց 12 հազար փութ հաց և ալյուր, 25 փութ վառոդ և ամեն հնարավորն արեց այդ վիճակից րարհաջող դուրս գալու համար» (էջ CXXIII): Այս փաստը հետա-

դալում հաստատվում է նաև ներսես Աշտարակեցու՝ պետքարտուղար Բլուրյովին ուղղված նամակում. «Ինձ բախտ է միճակվել լինել Ցիցիանովի բանակում, ամենուր և ամեն հարգում հռանդորեն համագործակցել նրա հետ» — դրում էր Աշտարակեցին (էջ CXXV): «Ներսես Աշտարակեցու այս գործունեությունը՝ վրիպեց պարսկական կառավարության ուշադրությունից, — շարունակում է Կ. Եղյանը: Նրանք ծալր աստիճան անհանգստացած «մեկ սիրաշահում էին նրան և կուրացնում ամեն տեսակ շնորհներով, մեկ բանտարկում նրան և սպառնում մահապատժով» (ն. տ.):

Եղյանը հանդամանորեն անդրադառնում և հաջողությամբ լուծում է նաև այնպիսի կնճռոտ մի հարց, ինչպիսին Պասկևիչ և Ներսես Աշտարակեցի հանդույցն էր. Բանն այն է, ոտ ն. Աշտարակեցի — Պասկևիչ հանգուցահարցն արդեն դուրս էր եկել անձնական հարաբերությունների ոլորտից և ձևաբեքել քաղաքական հստակ դրսևորում: Մինչ այդ ռուսական պաշտոնական պատմագրությունն որոշ շոջանակնեղում հաղորդեցին արկվում էր խիստ միակողմանի դիրքերից, հրապարակումներում մեծ մասամբ սյաշտպանության տակ էր տոնվում վերջինս, իսկ Շչեռբատովի՝ Պասկևիչին նվիրված աշխատությունից հետո, ուղղակի աղավաղվել էր Աշտարակեցու կերպարը: Ահա, այդ պայմաններում Կ. Եղյանը համարձակորեն ներկայացնում է Պասկևիչի իրական բնութագիրը: Համարձակորեն, բանի որ նա առաջինը ուսումնասիրողին մանրամասն և հանուամանունն ներկայացրեա Պասկևիչ — ն. Աշտարակեցի հանդուցահարցի իսկությունը: «Կոմս Պասկևիչի բնավորության աչքի բնկնող գծերից էս այն, որ նա չէր հանդուրժում իր շրջապատի խելացի մարդկանը, որոնք իրենց ծառայությունը նշանավորում էին սխրանքով, և սիրում էր միայն իրեն վերադրել այն ամենը, ինչը հերոսական էր: Մեկը մյուսի ետևից Կովկասյան բանակից հեռասան յալե սալն ղեներայներ Երմոլովը, Մազաթովը և Մուրավյովու Պասկևիչի կողմից խիստ հետապնդվեցին տաղանդավոր ղեներայներ Մուրադյանը, Բենկենդորֆը, Կրասովսկին... Պասկևիչի անբարյացակամ վերաբերմունքին արժանացավ նաև ղնգապետ Լադարյանը, որին նա ղնեղեց այն բանի համար, որ Պարսկաստանից հայերի ղաղթի հաջողությունը ամբողջովին ղվիտարվեց ղլխամոր հրամանատարին, այլ նաև այն հարդանքին ու վստահությունը, որ վայելում էր Լադարյանների բնուանիքը հայտնեց շրջանում: Գեներայներ Կրասովսկու, Բենկենդորֆից և Լադարյանից հետո հերթը հասավ արքեպիսկոպոս Կենսեսին, որի վրա Պասկևիչը թափեց իր սղջ ասկությունը» (էջ CXXX):

Եղյանը հավաստի վավերադրերով լիովին արդարացնում է Կենսես Աշտարակեցուն և դրան հակառակ, բացահայտում Պասկևիչի որոդայթները հայ նշանավոր որոճի նկատմամբ: Այս առումով ևս Եղյանի աշխատանքը ղնահատելի է: Ցավոք, պետք է ղնդժել, ոս Աշտարակեցու գործունեության կառնոր ղատ մանրամասներ կամ դուրս են մնացել խորհրդային շրջանի պատմարաններն ուշադրությունից, կամ էլ նեղկայաղված են խիստ մակերեսային: Մինչդեռ, պետք է ղնդժել, ոս դրանք մանրուրներ ղեն, և ոչ միայն յուղնում, այլ և ամբողջացնում են Ներսես Աշտարակեցու գործունեությունը և ճշորում XIX դարի առաջին կեսի հայաց պատմության որոշ հարցեր:

Այնուհանդերձ, բաղմաթիվ սեկույցներ, որով կոմս Պասկևիչը ղանում է Կովկասից հեռացնել Ներսես Աշտարակեցուն, կատարելին իրենց գործը: Կայսրը ցանկանաղով վերո սալ այս հակասությունը և օղավելով այն բանից, որ Բեսարաբիալի արեպիսկոպոսը մահացել էր, ներսեսին առաջարկեց ղրլխավորել այդ թևը: Աստեո էլ մեր պատմագիտական միտքը կարերբ բացթողում է կատարում, երբ Պասկևիչին է վերագրում վաղաժամ հաղթանակը: Ետանում այուղև ղէ: Ցարը, մի ղարք հանղամանքների, և առաջին հերթին Աշտարակեցու՝ ղահին խիստ նվիրվածության բերումով ղէր կարող անհետեանք թողնել այս գործը:

Աշտարակեցու կերպարն ամբողջացնելու համար Կ. Եղյանը մեք է բերում նաև «Русский архив» ամսաղրում տղաղղված ղեներալ ն. Մուրավ-

յովի հուշերը նեոսես Աշտարակեցու մասին, որում մասնավորապես ասվում էր. «Այնտեղ (Քիչինեում—Հ. Հ.) ես գտա և մեծ բավականությամբ զրկեցի նրան, հայ ներսեսին. Վոաստանում՝ իմ հին բարեկամին, մարդ, որն առանձնանում էր իր խելքով և իր վարքով, և տուժել էր Պասկեիչի հետապնդումներից» (էջ CXXXV): Որպես հավաստի ապացույց, Եզյանը քաղվածք է բերում նաև 1890 թ. նույն ամսաբերում դետեղված մեկ այլ հոդվածից, որը վերնագրված է «Վորոնցովի և Երմոլովի նամակագրությունից»: «Պատրիարք Ներսեսը,—գրում է Վորոնցովը Երմոլովին,—ձեռնադրվեց էջմիածնում 1842 թ. հունիսի 9-ին մարդկային չսկայական հոսանքի ներկայությամբ: Ես ինքս ղանկանում էի անձնապես ներկա լինել այդ արարողությանը, բայց դա անհնարին էր... Միաժամանակ պետք է ասեմ, որ Ներսեսը և՛ հալերի, և՛ մեզ համար թանկ մարդ է: ...Դժվար է մտածել, որ այս մարդը 15 տարի շարունակ եղել է մոռացության և անգործության մեջ, երբ էա կարող էր այդ ընթացքում այնքան օգտակար լինել...» (էջ CXXXVI): «Սակայն, բարձրագույնի կամքով,—շարունակում է Եզյանը,—կոմս Պասկեիչի հայածանքներն արքեպիսկոպոսի նկատմամբ դադարեցվեցին և երբ... էջմիածնական պատրիարքարանում աթոռը թափուր դարձավ, 1842 թ. Ներսես Աշտարակեցին ընտրվեց ժայռագույն պատրիարք և Ամենայն հայոց կաթողիկոս» (ն. տ.): Կոմս Պասկեիչն այդ ժամանակ արդեն Կովկասում չէր: Կովկասի նոր կառավարչապետ էր նշանակվել կոմս Վորոնցովը, որը նովոռոսիյսկի գեներալ-նահանգապետ եղած ժամանակ առիթ էր ունեցել ծանոթանալ Ներսեսի հետ և ըստ արժանվույն էր դնահատում նրան: Կայսր Նիկոլայը հավանություն տվեց այդ ընտրությանը և Աշտարակեցուն հրավիրեցին Պետերբուրգ: «Արքունիքում Ներսեսն արժանացավ մեծ ընդունելության կայսեր կողմից և քաջալիոված վերադարձավ էջմիածին և կաթողիկոսությունը վարեց մինչև 1857 թ., մինչև իր րազմարեզուն և անհանգիստ կյանքի վերջը» (ն. տ.):

Եզյանն առանձին բաժնով անդրադարձել է նաև արևելահայերի և արևմուտահայերի զաղթին: Իր դրքի վերջին՝ 22-րդ բաժինը նա նվիրել է արևմուտահայության հիմնախնդրին, ներկայացրել հալերի ծանր դրությունը, որն առկա էր 1877—78 թթ. ռուս-թուրքական պատերազմի արդյունքներով: Այսպիսով ստանալիս ուշադրությունից չեն վրիպել նաև համահայկական խրատիկները՝ Արևմտյան Հայաստանի իր դժվարին ու դրամատիկ կյանքով:

Եզյանը հանգամանորեն ռուս ընթերցողի առջև փաստում է Ղրիմի և 1877—78 թթ. ռուս-թուրքական պատերազմներում հայերի գործուն մասնակցությունը և այն դառն իրողությունը, որին դատապարտվելու հետագայում տևեցին «Հայերը ոչինչ չխնայեցին, որպեսզի իրենց համազոր-ծակցությունը և ջանքը նվիրարեցնեն ռուսական զորքին և դրանով իսկ արժանացան տեղական իշխանությունների հայածանքներին»,—որում է Եզյանը (էջ CXLII): Ներկայադրելով Սան-Ստեֆանոյի հաշտության և Բեռլինի կոնտրակտի շահակալ: հարցին վերաբերող հատվածները, նա միաժամանակ, ասի-տոսներ է հայտնում, որ եթե Սան-Ստեֆանոյում ռուսական դիվանագիտությունը հայթանակ տարավ և ռուսական զորքերի ներկայությունը կթիթևային առևտրաճանաչի ծանր վիճակը, ապա Բեռլինի կոնտրակտում Հայկական հուրոր մասով փակուղի: Դրանում պատմաբանը, միանշանակ և որոշակիորեն, մեղադրում է արևմտյան տերություններին, որոնք «հակակշիտ եզան ռուսական արքունիքին» (էջ CXLIII):

Եզյանն իր անհարկը եզրափակում է 1894—96 թթ. հայկական կոտորածներին անտրադառնալով: Կոտորածները, պրոտ է նա, «ծանր տղավորություն դործեցին քաղաքակիրթ աշխարհի վրա և ռազմական հասարակական դժգոհում: արտահայտվեց սիստիմյան և մշակութային պրոգրեսիստների ստեղծագործություններում» (էջ CXLII):

Ինչպես արդեն նշել ենք, Եզյանի ուսումնասիրության երկրորդ և ոչ տղական կարևոր մասը կազմում է հայ-ռուսական հարաբերություններին վերաբերող արխիվային փաստաթղթերի և վավերագրերի հրատարակումը, որը

կատարել է դիտական պատշաճ մակարդակով ու մեծ պատասխանատվությամբ: Փաստական նյութը ներկայացվում է ժամանակագրական կարգով, որով Հշտությունը պահպանվում է պատմական անցքերի կապը, և գյուրացվում է ցանկացած վավերագրի որոնումը: Հաշվի առնելով այն հանդամանքը, որ փաստաթղթերի Բարդանությունները մեծ մասամբ լրիվ ճշտությամբ չեն վերարտադրում վավերագրերի բովանդակությունը, նա հարմար է դրել դրանք ներկայացնել առանց ուղղումների, իսկ որոշ տեքստերի անպարզության դեպքում փակագծերում արել է անհրաժեշտ լրացումներ: Ընդհանուր թվով Եզյանը ներկայացրել է շուրջ 305 անուն վավերագիր, որոնք պատմագիտական և աղբյուրագիտական առումով անգնահատելի ներդրում են XVIII—XIX դարերի հայ ազատագրական շարժման, հայերի ռուսական կողմնորոշման և, ընդհանրապես, հայոց պատմության այդ վճռորոշ ժամանակաշրջանի ուսումնասիրության խնդրում:

Կարապետ Եզյանի դիրքը ժամանակին լույս տեսավ: Այն ժամ, երբ դարավերջին թափ էր առնում ցարիզմի դադութային քաղաքականությունը և ռեակցիոն մամուլում հակահայկական հողվածներ էին լույս տեսնում, Եզյանի աշխատությունն իր անաչառ վավերագրերով հանդերձ հավուր պատշաճի պատասխան էր այդ կեղծ ու խեղաթյուրված հրապարակումներին: Ձուր չէ, որ այն հրապարակ եկավ նշանավոր պատմաբան և հրապարակախոս Ջանչյանի խմբագրությամբ՝ «Սիրայրական օգնություն» Թուրքիայում տուժած հայերին:» ընդարձակ ժողովածուի հրապարակումից մեկ տարի անց և դարձավ նրա տրամաբանական և հավաստող շարունակությունը. «Ժամանակիս պայմանները տարի առաջ ունենալով,— դրում է Եզյանն իր գրքի մասին,— օգտավետ համարեցի այս հրատարակության համար մի ընդարձակ առաջաբան պատրաստել ռուսաց տեղություն՝ հայոց ազգի հետ ունեցած հարաբերությունն սկսած Պետրոս I կայսրից մինչև մեր օրերը: Առաջաբանում մի առ մի հիշված են մեր ազգի արած ծառայությունները, կրած զոհարարությունները հօգուտ Ռուսաց կայսրության... Ուրախ եմ միթեթարված կլինեմ, եթե այս աշխատությունս սրեւ օգուտ և ազդեցություն ունենա դեպի բարին փոխելու այժմյան արամադրությունը առ մեր խեղճ ազգին»¹⁵:

Դիրքը ժամանակին բուրձր դնահատականի արժանիքով ռուսական մամուլում: Այսպես, գրքի հրատարակման հենց նույն տարում «Вестник Европы» ամսագիրը գրեց. «Ինչոր այս փաստաթղթերը վերաբերում են Պետրոս Մեծի ժամանակներին, երբ մեզանում առաջին անգամ դրվեց Հայկական հարցը... Փաստաթղթերին նախորդում է բավականին հետաքրքիր և ընդարձակ պատմական ակնարկ՝ մեր կառավարության և հայ ժողովրդի հարաբերությունների մասին, Պետրոս Մեծից սկսած մինչև այն ժամը իրադարձությունները, որն ապրեց վերջերս հայ ժողովուրդը: Հայ ժողովրդի հետ Պետրոս Մեծի հարաբերությունները անխղիճորեն կապված են նրա պարսկական արշավանքի հետ, ահա թե ինչու ներկա ժողովածուն կարևոր նշանակություն ունի նաև ռուսաց աստվածության այդ ժամանակաշրջանի ուսումնասիրության համար»¹⁶: Իսկ «Исторический вестник»-ը 1899 թ. գրել է. «Գրքի հիմքում ընկած են ոչ միայն հրատարակված աղբյուրներն ու ձեռնարկները, այլ հիմնականում դրանք այն փաստաթղթերն են, որոնք մինչ օրս անհայտ էին դիտական աշխատհին»¹⁷:

1998 թ. լրանում է Եզյանի աշխատության լույս ընծայման հարյուրամյակը: Մեկզարյա այդ հեռավորությունից նույնիսկ նրա աշխատությունը մեզ ներկայանում է թարմ մտքերով ու խորհրդածություններով, որոնք այժմ էլ չեն կորցրել իրենց նշանակությունը և ուղեկցում են հայ ժողովրդին՝ իր բազմազարյա պատմության քառուղիներում:

15 Տե՛ս Եզյանի նամակները. — «Լրաբեր», հաս. գիտ., 1977, № 6, էջ 102:

16 Տե՛ս «Вестник Европы», 1898, кн. 10, с. 881.

17 Տե՛ս «Исторический вестник», 1899, т. LXXV, с. 305.

К ВОПРОСУ ОЦЕНКИ ИСТОРИОГРАФИЧЕСКОГО НАСЛЕДИЯ К. ЕЗЯНА

А. Ж. ОГАНЕСЯН

Резюме

Карает Езян (Г. Эзов)—один из выдающихся представителей арменоведения второй половины XIX в. Он был также крупнейшим общественным деятелем своего времени. В историографическом аспекте определенную ценность представляют две работы К. Езяна: «Внутренний быт Древней Армении» и «Сношения Петра Великого с армянским народом». В первой из них, опубликованной в Петербурге в 1859 г., автор рассматривает ряд важных вопросов, относящихся к истории Древней Армении. Езян впервые подробно и обстоятельно представил русскому читателю всеобщую историю Древней Армении. В конце XIX в. начинается наиболее зрелый и плодотворный период арменоведческой деятельности К. Езяна. Опираясь на богатые архивные материалы, он создает качественно новую работу. В 1898 г. в Петербурге было опубликовано исследование К. Езяна «Сношения Петра Великого с армянским народом». В статье обстоятельно рассмотрены представляющие важное значение проблемы и размышления автора. Работы К. Езяна и поныне не потеряли своей актуальности и значимости.